

Акафист Пресвятей Богородице в честь иконы Ея, именуемая
Воспитание.

Кондак 1

Взбранной Воеводе и усердной Воспитательнице рода
христианскаго, яко избавльшися от злых, благодарственная восписуем
Ти раби Твой, Богородице, но яко имущая державу непобедимую, от
всяких бед чад наших свободи, да зовем Ти: Радуйся, благая
Воспитательнице, воспитанная во Святаа Святых.

Икос 1

Ангела с Небес послати чадом нашим исходатайствуй, Пресвятая,
у Сына Твоего и Бога нашего, якоже и Тебе послан бысть Гавриил
Архангел, и сподоби ны взывати Тебе сие:

Радуйся, рождением Твоим родителей обрадовавшая;
радуйся, со слезами многими у Бога испрошенная.
Радуйся, молитвы и поста светлое прозябение;
радуйся, благочестивыя жизни красный плоде.
Радуйся, от младенства святого послушания исполненная;
радуйся, благочестием от сосцу матерню напоенная.
Радуйся, любви всесветлое жилище;
радуйся, милостей Господних сокровище.
Радуйся, благая Воспитательнице, воспитанная во Святаа Святых.

Кондак 2

Видящи наше слезное родительское моление, умилосердися,
Владычице, о чадех наших, буди им Покров и Заступление, да в
веселии воззовут Богу: Аллилуиа.

Икос 2

Разум чадом нашим низпосли, еже како добре Ти послужити, и
наполни сердца их премудростию Небесною, да потщатся сию любить
и над земным поставляти, и не отри ни моления нашего, во еже
взывать Тебе таковая:

Радуйся, детство Твое при храме проведшая;
радуйся, во Святаа Святых возшедшая.
Радуйся, Единому Богу посвященная;
радуйся, молившаяся Ему день и ночь.
Радуйся, чистоту и целомудрие измлада возлюбившая;
радуйся, смирение Свое всеусердно сохранявшая.
Радуйся, молитвою к Богу присно пламеневшая;

ра́дуйся, похвалó и ра́досте родíteлей святы́х.

Ра́дуйся, благáя Воспита́тельница, воспита́нная во Свята́я Святы́х.

Кондак 3

Си́ла Вы́шняго да осенít ча́да на́ша Твоего́ ра́ди неусы́пнаго предста́тельства за них пред Сы́ном Твои́м, и позна́вше Твоё, Богомати, милосе́рдие ко всем с ве́рою притека́ющим к Тебе́, воззову́т Бо́гу: Аллилу́иа.

Икос 3

Иму́ще от Бо́га чад на́ших, не хóщем зрети́ их в геенне о́гненной пребыва́ющих, но в кни́зе жи́зни написа́нных. Сего́ ра́ди, Пречи́стая Де́во, приклони́ся ко гла́су моле́ния нас, взыва́ющих Тебе́:

Ра́дуйся, Ма́ти Бо́га и Сло́ва;

ра́дуйся, Свята́я Святы́х бо́льшая.

Ра́дуйся, Воспита́тельница Сы́на Бо́жия;

ра́дуйся, Корми́лице Го́спода Сил.

Ра́дуйся, ро́ждшая Спаси́теля ми́ра;

ра́дуйся, возрасти́вшая Изба́вителя пленённым.

Ра́дуйся, я́ко но́сиши Наста́вника заблуждшим;

ра́дуйся, я́ко Сын Твой Бог и Госпо́дь.

Ра́дуйся, благáя Воспита́тельница, воспита́нная во Свята́я Святы́х.

Кондак 4

Бу́рю ви́дяще собла́знов много́различных, умно́жившихся в ми́ре сем, к Тебе́, Благода́тная, взыва́ем о ча́дех свои́х, да избе́гнут сих и вопио́т Бо́гу: Аллилу́иа.

Икос 4

Слы́шаще глас Твой, глаго́лющий Сы́ну Твоему́: «Приими́ вся́каго моля́щагося Тебе́ и призыва́юща́ и́мя Моё́ на по́мощь», — простира́ем ру́це на́ша в моли́тве к Твоему́ милосе́рдию, да при́ймеш проше́ния на́ша, воспева́ющих си́це:

Ра́дуйся, от уны́ния зла́го чад на́ших избавля́ющая;

ра́дуйся, от безу́мнаго весели́я их огражда́ющая.

Ра́дуйся, в несении́ креста́ их укрепля́ющая;

ра́дуйся, в по́двизех благоче́стия их утвержда́ющая.

Ра́дуйся, под покрóвом Твои́м ми́лостиво их сохраня́ющая;

ра́дуйся, здра́вие душ и телес им пода́ющая.

Ра́дуйся, усер́дная Наста́внице целому́дрия;

Ра́дуйся, ми́лостивая Взыска́тельница заблуждших.

Ра́дуйся, благая Воспита́тельница, воспита́нная во Свята́я Святы́х.

Кондак 5

Боготе́чная звезда́ у́тренняя, Сын Твой, Пресвята́я Де́во, да возсия́ет све́том невече́рним в сердца́х ча́д на́ших, во е́же взыва́ти им к Бо́гу: Аллилу́иа.

Икос 5

Ви́дящи на́ше приле́жное моле́ние, не отврати́ лица́ Твоего́ от ча́д на́ших, а́ще и отвратя́тся Тебе́, и услы́ши глаго́лы уст на́ших, вопию́щих тако́вая:

Ра́дуйся, ча́д на́ших имети́ ра́зум на до́брое науча́ющая;
ра́дуйся, на пу́ти греха́ их запина́ющая.
Ра́дуйся, пра́во ше́ствовати их наставля́ющая;
ра́дуйся, от лука́вства злых челове́к их огражда́ющая.
Ра́дуйся, в злострада́нии их укрепля́ющая;
ра́дуйся, благодарíti Бо́га о всем науча́ющая.
Ра́дуйся, благая́ Ходатаи́це прісно о ча́дех на́ших к Сы́ну Твоему́;
ра́дуйся, Споручни́це их пред Творце́м и Бо́гом.
Ра́дуйся, благая́ Воспита́тельница, воспита́нная во Свята́я Святы́х.

Кондак 6

Пропове́дует весь мир христиа́нский Твое́ всегда́шнее заступле́ние о моля́щихся Тебе́. Си́це и ны́не услы́ши многоболе́зненное сие́ роди́тельское моле́ние о ча́дех на́ших, во е́же зва́ти им Бо́гу: Аллилу́иа.

Икос 6

Да возсия́ет луча́ благода́ти в душа́х ча́д на́ших, и, просвеще́нии Тобо́ю, узрят пу́ть, веду́щий в живо́т ве́чный, и по́йдут по нему́, сохраня́еми под Твои́м всемогу́щим покрóвом. Сего́ ра́ди услы́ши нас, зову́щих Ти тако́вая:

Ра́дуйся, роди́телей на любо́вь бла́гу к ча́дом свои́м подвига́ющая;
ра́дуйся, ча́д, во е́же роди́телей свои́х чтíti, наставля́ющая.
Ра́дуйся, прося́щим подаю́щая ра́зум;
ра́дуйся, ве́рных оза́ряющая смы́слы.
Ра́дуйся, всех скорбя́щих ра́досте;
ра́дуйся, умягче́ние злых серде́ц.
Ра́дуйся, отра́до и утеше́ние;
ра́дуйся, прибавле́ние ума́.
Ра́дуйся, благая́ Воспита́тельница, воспита́нная во Свята́я Святы́х.

Кондак 7

Хотяще ча́дом нашим вѣчнаго спасѣния, со слеза́ми предсто́им пред честнóю Тво́ею ико́ною, Влады́чице, да не прѣзриши молѣния нашего, вегда звати Сы́ну Твоему́: Аллилу́иа.

Икос 7

Но́вую покажи́ мѣлость на ча́дех наших, Влады́чице, и неизслѣдимыми судьба́ми Сы́на Твоего́ привлецы́ их под Свой благодатный покрóв, да усѣрдно зове́м Ти:

Ра́дуйся, воспитание чад наших, во еже изба́виться им му́ки вѣчныя;

ра́дуйся, воспитание чад наших, во еже наслѣдовати им блаже́нство непрестающее.

Ра́дуйся, пробужде́ние совести чад наших на покая́ние;

ра́дуйся, пита́ющая их пло́дами добротолóбия.

Ра́дуйся, премилосѣрдная Утѣшительнице всех скорбя́щих и обременѣнных;

ра́дуйся, неусыпа́ющая Наставнице всех заблуждших и ослеплённых.

Ра́дуйся, Судий прáведнаго умоле́ние;

ра́дуйся, мно́гих согрешѣний прощѣние.

Ра́дуйся, благая Воспитательнице, воспитанная во Свята́я Святы́х.

Кондак 8

Странствующе во юдо́ли сей многоско́рбней по мо́рю многомяте́жному страсте́й, ча́да наша где обря́щут твёрдое пристанище, а́ще не в Тебе́, Пречы́стая? Спутешествуй же им и наста́ви их на путь и́стинный, да зову́т Бо́гу: Аллилу́иа.

Икос 8

Всем еси́ Ма́ти мѣлюющая, Пречы́стая Де́во, якоже Христóс Спаси́тель рече́ Тебе́, у Креста́ Его́ предстоящей: «Се, сын Твой», — указу́я на избранны́го от учени́к Свои́х. Сего́ ра́ди вруча́ем ча́да наша в ру́це Твой и во смире́нии зове́м Ти:

Ра́дуйся, чад наших благосѣрдая Путево́дительнице;

ра́дуйся, тѣрния грехо́вных страсте́й милосѣрдая Искоренительнице.

Ра́дуйся, отра́ду в пусты́ни греха́ подающая;

ра́дуйся, в день ско́рби утеша́ющая.

Ра́дуйся, в зѣмлю обетова́ния путево́дствующая;

ра́дуйся, воду живую нам источающая.

Ра́дуйся, совершенный ра́зуме наставляников и детоводителей;

ра́дуйся, благословение домо́в и семейств благочестивых.

Ра́дуйся, благая Воспитательнице, воспитанная во Свята́я Святы́х.

Кондак 9

Всякаго блага исполни сердца и души чад наших, отгоняючи от них дух злосраднаго безбожия, нечестия и блудодейства, иже в мире сем. Сохрани рабов Твоих в чистоте и целомудрии, да взывают во умилении Богу: Аллилуиа.

Икос 9

Ветий суемудренных, лжущих на Твое всемогущее заступление, отжени, Мати Божия, от чад наших, да не поползнутся умом в душетленная учения и не обратятся сердцем в похоти безместныя, но призри на ны, верно вопиющия:

Ра́дуйся, добрым нравом чад наших научающая;

ра́дуйся, от злых навыков их избавляющая.

Ра́дуйся, мудрых наставляников Твоим рабом посылающая;

ра́дуйся, от путей худых их отвращающая.

Ра́дуйся, благому учению внимати призывающая;

ра́дуйся, суетныя басни презирати помогающая.

Ра́дуйся, Божие ко грешным благоволение;

ра́дуйся, кающихся пред Господем крепкое заступление.

Ра́дуйся, благая Воспитательнице, воспитанная во Свята́я Святы́х.

Кондак 10

Спасти хотя мир, Христос Бог призвал не праведники, но грешники на покаяние. Сего ради молися Сыну Твоему о чадах наших, аще и отыдут на страну далече, обаче взыскании Твоим Матерним заступлением, возвратятся в сокрушении сердца к Отцу Небесному и воззовут Ему: Аллилуиа.

Икос 10

Стена несокрушимая явися, Небесная Царице, чадом нашим, да Твоим предстательством избегнут змиева приношения, красного в снесь, последи же смертоносного, и возмогут сердца своя чисты сохранить. Сего ради вопиём Ти таковая:

Ра́дуйся, избавляющая чад наших от ядовитаго зелия;

ра́дуйся, спасающая их от душепагубнаго пития.

Ра́дуйся, от блудодейства их сохраняющая;

ра́дуйся, целому́дрию их науча́ющая.
Ра́дуйся, употребле́ние всякаго обольще́ния;
ра́дуйся, избавле́ние всякаго смуще́ния.
Ра́дуйся, трезвёния Побо́рнице;
ра́дуйся, му́дрости Ходатаице.
Ра́дуйся, благая Воспита́тельница, воспита́нная во Свята́я Святы́х.

Кондак 11

Пе́ти Твоё неодо́лимое заступле́ние вѣну сподо́би ча́д на́ших, да
обря́дут Тебе́ крѣпкую Помо́щницу, и Твоею благода́тию отве́рзут
уста́ своя́ воспева́ти Бо́гу: Аллилу́иа.

Икос 11

Светопріёмную свещу́ житіе́ ча́д на́ших соде́лай, да прісно горя́т
любо́вию к Сы́ну Твоему́ и к Тебе́, Всенепоро́чная, и не прѣзри нас,
зову́щих Ти:

Ра́дуйся, мглу́ собла́знов разгона́ющая;
ра́дуйся, тьму́ страсте́й просвеща́ющая.
Ра́дуйся, зрѣние храні́ти науча́ющая;
ра́дуйся, блюсти́ чу́вствования наставля́ющая.
Ра́дуйся, щедро́т неизрече́нных Ма́ти;
ра́дуйся, ча́д на́ших побужда́ющая в благоговѣ́нии Тебе́ предстоя́ти.
Ра́дуйся, утеше́ние им в ско́рби непрело́жное;
ра́дуйся, от набѣ́га лука́вых прибе́жище всеути́шное.
Ра́дуйся, благая Воспита́тельница, воспита́нная во Свята́я Святы́х.

Кондак 12

Благода́тию неизрече́нною Ду́ха Свята́го напитай́ сердца́ ча́д
на́ших, е́же возлю́бити то́кмо Сы́на Твоего́ и Бо́га, и Тебе́, Преблага́ю
Засту́пницу, да подвѣ́гшеся Тобо́ю, зову́т Царю́ всяческих: Аллилу́иа.

Икос 12

Пою́ще Твоё милосе́рдие, ѡ́мже ми́луеши и пита́еши ча́д на́ших,
мо́лимся: не преста́й просі́ти о них Сы́на Твоего́, я́ко вся Тебе́
возмо́жна суть, и услы́ши мо́льбы́ на́ша такова́я:

Ра́дуйся, к Све́ту ѡ́стины ча́д наших приводя́щая;
ра́дуйся, в житии христиа́нствем их утвержда́ющая.
Ра́дуйся, ро́су благода́ти Твоея́ им подаю́щая;
ра́дуйся, млеко́м ѡ́стины их пита́ющая.
Ра́дуйся, я́ко помога́еши ча́да на́ша соде́лати земны́я а́нгелы;
ра́дуйся, я́ко споспѣ́шествуеши им ста́ти Небе́сными челове́ки.

Ра́дуйся, наслéдники Цáрствия Небéснаго их показúющая;
ра́дуйся, во обíтелях Небéсных их водворяющая.
Ра́дуйся, благáя Воспитáтельница, воспитáнная во Свята́я Святы́х.

Кондак 13

О, Всепéтая Мáти Иисúса Сладча́йшаго! Приими́ ма́лое сие́ моле́ние о ча́дех на́ших в воню́ благоухáния духóвнаго и защити́ их Твои́м милосéрдным покрóвом. Ещé же дáруй им мы́слити, глаго́лати и творити́ то́чию Сы́ну Твоему́ и Тебе́ угодная и послé им в жи́зни сей привре́менной вся полéзная ко спасéнию душ их, да воспева́ют Бо́гу: Аллилу́иа.

Молитва

О, Пресвята́я Влады́чице Дéво Богородице, премилосéрдная Мáти всех челове́к, спаси́ и сохрани́ под кро́вом Твои́м чад на́ших [имена], и всех отроко́в, отрокови́ц, младенцев и во утробех матернех носимых. Покры́й их ризо́ю Твоéю, соблюди́ их во стра́се Бо́жием и послушáнии родителем, умоли́ Го́спода на́шего и Сы́на Твоего́, да дáрует им вся, я́же ко спасéнию полéзная. Вруча́ем их Мáтернему смотре́нию Твоему́, я́ко Ты еси́ Божéственный покрóв рабо́м Твои́м. Ами́нь.